

SANCTISSIMI IN CHRISTO PATRIS

P I I

DIVINA PROVIDENTIA

P A P Æ V I

LITERÆ APOSTOLICÆ

IN FORMA BREVIS

D E

SACRÆ CONGREGATIONIS CONCILII

Officialibus, eorumque Muneribus.



R O M Æ MDCCLXXV.

Ex Typographia Reverendæ Cameræ Apostolicæ.

THE UNIVERSITY OF CHICAGO

LIBRARY

PHYSICS DEPARTMENT

530

1950

1950

1950

1950

1950

1950

1950

1950

1950

1950

1950

1950

1950

1950

1950

1950

1950

1950

1950

PIUS PP. VI.

Ad Perpetuam rei memoriam .



ACROSANCTAM Tridentinam Synodum , qua post quingentos fere annos , nec frequentia Conventus , nec doctrina , & gravitate Patrum , nec magnitudine , & difficultate quæstionum , quæ dogmata simul , & morum disciplinam continerent , nec studio , ac consensu Principum , aliam coactam fuisset illustriorem accepimus , qui de Orthodoxa fide recte sentiunt habent loco arcis munitissimæ Divinæ Providentiæ miraculo extructæ , qua in maximis schismatum , hæresum , dissensionum periculis securitas , & in foedissima tempestate tranquillitas Christianæ Reipublicæ parata est . Mille Clypei pendent ex ea omnis armatura fortium , contra quos teterrimi hæreticorum eliduntur conatus , & ignea nequissimi hostis tela quotidie retunduntur . Neque aliter intelligendi sunt mystici illi Clypei , quam canones , & decreta ipsa Concilii , quæ ut semper , & diligentissime ubique terrarum servarentur , Pontifices Romani Prædecessores nostri pro ea potestate , quam ipsis Deus Maximus tribuit , magno studio , vigilantiaque curarunt , optime intelligentes , ex ea observantia maximas in Christianam Rempublicam utilitates redundare . Itaque operæ pretium facturos arbitrati sunt , si Sanctæ Romanæ Ecclesiæ Cardinalium Congregatio constitueretur , quæ de omnibus causis ad hoc Concilium pertinentibus cognosceret , nos quæstionum solveret , difficultates explicaret , ac decreta , consulto Pontifice , interpretaretur . Cujus quidem Congregationis Præfectus Cardinalis bon. mem. de Rubeis , cum Comitiorum tempore e vita excesserit , Nos , & publicæ totius Ecclesiæ utilitati , & privatæ ipsius Congregationis dignitati , ac splendori egregie consultum iri existimavimus , si primis nostræ ad Apostolatum assumptionis diebus Præ-

A

Actura

stura illa dilecto Filio nostro Carolo Victorio Amedeo Tituli Sanctæ Prædix S. R. E. Cardinali a Lanceis nuncupato committeretur . Atque is quidem , cum sit mirifico quodam pietatis , & religionis studio incensus , ac præterea excellenti prudentia , multiplicique doctrina rerum , divinarum ornatissimus , statim circumspiciens , & quasi peritus Architectus perlustrans diligentissime partes omnes ejusdem Congregationis , animadvertit aliquid vitii inhærescere , quod illius venustati officere posse videretur . Id autem est ejusmodi , quod minores Officiales Congregationis , cum pro immutata temporum ratione stipendia satis exigua sibi antea assignata vix suppetant ad vitam sustentandam , consuetudinem , sive abusum potius facile induxerunt , ut Officii , & laboris obtentu aliquid vel certum , vel incertum ab iis , qui ad Congregationem confugiunt , quandoque exigere non dubitent . Quare pro parte ejusdem dilecti Filii nostri Caroli Victorii Amedei Cardinalis Nobis fuit humiliter supplicatum , ut huic malo , antequam radices ageret , occurrere de benignitate Apostolica dignaremur . Nos igitur attendentes nihil profecto esse , quod , etsi legibus , sanctionibusque munitum , sit , a lubrica tamen , malorumque omnium effetrice cupiditate novis quotidie artibus , coloribusque , si quicquam a consuetudine majorum deflectatur , perverti , atque corrumpi non possit , maximeque interesse eos , qui operam in hujusmodi muneribus locant , vacuos plane , ac liberos ab omni vel minima suspitione avaritiæ , pravæque affectionis , nedum corruptelæ esse debere , ut clarius etiam innotescat perpetuum , sincerumque nostrum , & Sanctæ hujus Sedis studium pro religiosa Prædecessorum nostrorum Constitutionum observantia , simulque quæsitus quivis prætextus adimatur cuilibet usui , aut consuetudini , quibus præclarissimæ hujus Congregationis Officiales suam quandoque in expediendis negotiis temporalium lucrorum cupiditatem obtegere , aut excusare quovis modo contenderent ; necnon laboriosam operam , quam iidem Officiales in suis quisque muneribus

excr-

exercendis præstant, uberiori gratia, ac benevolentia completi volentes, stipendia, quæ hæcenus eisdem solvi consueverunt, nunc, donec alias Nobis decernere visum fuerit, ita augeri volumus, ut ad congruum vitæ subsidium nihil desit. Mandamus propterea, ut singulis Officialibus prædictis pendantur unoquoque mense scuta Juliorum decem, primo quidem Officiali viginti quinque, alteri vero, & tertio quindécim, quarto decem, quinto demum (quem nunc, ut priorum labores sublevemus, de novo addimus) quinque, directis, & subscriptis a Cardinali Præfecto, seu a Secretario mandatis, seu ordinibus ad Provisores Montis Pietatis, in quo quidem Monte tota summa octingentorum quadraginta scutorum ipsis Congregationis Officialibus debita imposterum deponenda erit. Ipsiisque Officialibus sic de certo, & sufficienti emolumento benigne provisus, volumus, atque districte prohibendo jubemus, ne ii de cætero quicquam pro quibuscumque negotiis ad ipsam Congregationem quomodolibet spectantibus a quovis, etiam prætextu cujuscumque consuetudinis, etsi inveteratæ, petere, & exigere, aut etiam sponte oblatum recipere audeant, adversusque eos, si in hæc nostras literas peccasse comperti fuerint, omnes, & singulas Canonicas leges, & Romanorum Pontificum Prædecessorum nostrorum Constitutiones contra dantes, & recipientes latas, atque editas, cum omnibus item, & singulis poenis per eas indictis, perinde ac si decreta omnia in præmissis contenta, eorumque pænales sanctiones præsentibus nostris literis de verbo ad verbum insertæ forent, per easdem præsentibus approbamus, confirmamus, & innovamus, decernentes, ac declarantes, prædictis omnibus legibus, ac poenis subjici, ac subjectas censerì omnes, & singulas personas, quæ hujusmodi Congregationi inserviunt cujuscumque gradus, & conditionis existant, qui præter congruum, atque assignatum stipendium, quo solo contenti esse debeant, aliquid aliud etiam sponte oblatum, ut præfertur, a partibus, aut aliis, sive pro expeditionis celeritate, sive pro alio extraordinario

diſinario labore tam procurando , quam ſcribendo , aut recognoscendo , aut examinando in ejuſdem Congregationis Secretaria , aut Archivo , vel extra capere , ſive exigere poſſint . Itaut quicumque contra hanc noſtram voluntatem deliquerint , ſtatutas in iſſis poenas incurrant , cum effectu multari debeant , & puniri , non obſtante quolibet uſu , aut conſuetudine , quam quidem Nos ut abuſum minime ferendum , & qui præſcribi numquam poſſit , damnamus omnino , atque proſcribimus . Utque inviolabili harum noſtrarum literarum obſervantiæ , quantum cum Domino poſſumus , conſulamur , præcipimus , atque mandamus , ut moderni Officiales infra menſem a data earumdẽ , & qui deinceps ſubrogati fuerint , antequam ad ſuum obeundum munus admittantur , in manibus Cardinalis Præſecti , vel , eo a Curia abſente , aut infirmitate impedito , illius Cardinalis , qui in Congregatione antiquior fuerit , ſuper omniſmoda huiusmodi obſervantia ſanctè jurent . Declarantes inſuper eos , qui adverſus juramentum hocce (tamenſi id ſperamus in Domino nunquam eventurum) aliquid vel minimum a partibus , ſive ab aliis quovis prætextu recipere auſi fuerint , officio privatos ipſo facto cenſeri , cæteriſque poenis , & cenſuris ſubjici debere , quæ contra violantes juramentum , & contra dantes , vel recipientes pro gratia , vel juſtitia in Curia ſanctæ ſunt . Xenia verò illa , etſi in pecunia , tenuiſſima tamen , eſculenta , & poculenta , quæ huiusmodi Officialibus tum menſe Auguſti , tum recurrente Sacro Natali die Salvatoris noſtri Jeſu Chriſti , quolibet anno contribui conſueverunt , & ſolent , præſentibus noſtris literis minime prohibita eſſe , nec prohiberi decernimus , dummodo tamen ſpontè oblata tantum recipiantur , non autem veluti Officio debita exigantur , receptæque in pecuniis ſtrenæ inter eoſdem Officiales juxta uniſcujuſque gradum , & prærogativam , & ſervatam hætenus partitionem dividantur . Cæterum ad occurrendum dubiis , quæ facile oriri poſſent , harum ſerie declaramus , quod , communicato ſemel cuivis petenti , & qui-

dem

dem gratis omnino ; & sine ulla prorsus mercede , exemplari cujusvis generis documentorum , quæ in Secretaria Congregationis pro tempore habentur , si forte alterum , vel tertium , & sic deinceps exemplar a partibus exposcatur , merces quædam honesta quidem , ac moderata ab Officialibus præfatis exigi valeat . Quod si eveniat , authentica , quæ requiruntur , documenta in Tabulario adservari , quod dilectus Filius noster Franciscus Xaverius Sanctæ Romanæ Ecclesiæ Cardinalis de Zelada , cum Secretarii eiusdem Congregationis munere summa cum laude fungeretur , in Palatio nostro Vaticanano erigi , & constitui curavit , Officiali tum pro itineris incommodo , tum pro scripturæ labore , quam per seipsum diligenter , ac fideliter conficere , & conferre debet , mercedem operi convenientem ut exigat , utpote rationi , & æquitati consonum , concedimus , atque permittimus . In qua tamen mercede percipienda caveant omnino prædicti Officiales , ne mensuram per legitimas taxas , & per approbatum Curie stylum pro singulis actibus præscriptam , & definitam excedant . Pro feliciori vero , & prosperiori ejusdem Congregationis directione , & statu volumus , atque mandamus , ut Viri coelibes , & Clericali charactere insigniti deinceps assumentur , & quousque coelibatum servaverint , retineantur , ut liberi , ac toti proprio muneri vacare valeant , & si fide , doctrina , & experientia commendabiles , & sustinendo oneri sibi demandato pares se probaverint , ad cætera etiam , majoraque munera conscendendi viam sibi parent . Certam autem legem , & formam in horum Officialium electione ex nunc præscribere volentes , Motu proprio , & ex certa scientia , ac matura deliberatione nostra , deque Apostolicæ potestatis plenitudine hisce nostris literis prohibemus , & interdicimus , ne de cætero ullus , sive Sanctæ Romanæ Ecclesiæ Cardinalis , qui Præfatus , sive Præsul , qui Secretarii numeribus pro tempore funguntur , viventibus adhuc ejusdem Congregationis Officialibus , quemquam veluti Coadjutorem alicujus cum Officii consequendi jure , vel occulte , vel palam intrudent ,

Quod

Quod si propter decessum eorum, seu quamvis aliam cessionem, dimissionem, amissionem, aut privationem alicujus ex prædictis Officialibus pro tempore deputatis oportuerit alium in ejus locum subrogare, tres dignos, probatosque Viros Secretarius Cardinali Præfecto proponat, qui idoneitate eorum matura consultatione discussa, digniorem, probatioremque inter eos eligat, qui, si nostrum, & Successorum nostrorum obtinuerit assensum, præstito per eum juramento, ut supra, ad Officium admittatur. Submoto itaque ab Officialium coetu quocumque, vel levi avaritiæ periculo, eos omnes enixe in Domino hortamur, ut pro salubri ejusdem Congregationis regimine, & Ecclesiasticæ disciplinæ integritate in omnibus, quæ ad eam spectant, pertractandis quam maxime cautos, oculatosque se præbeant, adeoque eorum virtutis emulatione majores in dies fructus, atque progressus inde proveniant, ac cognitæ, & spectatæ uniuscujusque ipsorum diligentia, & fidelitati a Sancta Sede Apostolica condigna præmia conferantur. Decernentes præsentis nostras literas etiam ex eo quod Officiales prædicti, ac alii quicumque in præmissis quomodolibet interesse habentes, seu habere prætendentes eisdem præmissis non consenserint, aut vocati, seu auditi non fuerint, aliaque quavis de causa quantumvis legitima; & juridica de subreptionis, vel obreptionis, seu nullitatis vitio, aut intentionis nostræ, vel alio quocumque defectu notari, impugnari, redargui, retractari, in jus, vel in controversiam revocari nullatenus posse, sed semper, & perpetuo validas, firmas, & efficaces existere, & ab Officialibus prædictis, ac aliis, ad quos spectat, seu pro tempore spectabit, inviolabiliter observari. Sicque in præmissis per quoscumque Judices ordinarios, & delegatos quavis auctoritate fungentes, etiam Causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere irritum quoque, & inane quidquid secus super omnibus,

bus, & singulis præmissis, vel circa ea a quoquam quavis auctoritate scienter, vel ignoranter contigerit attentari. Non obstantibus, quatenus opus sit, nostra, & Cancellariæ Apostolicæ regula de jure quæsito non tollendo, & consuetudinibus quibuscumque, ac quibuscumque vivæ vocis oraculis, privilegiis, indultis, & quibuscumque aliis sub quibuscumque tenoribus, & formis, ac cum quibuscumque etiam derogatoriarum derogatoriis, aliisque efficacioribus, & insolitis clausulis, & decretis in genere, vel in specie, etiam motu proprio, & alias quomodolibet per Prædecessores nostros Romanos Pontifices concessis, innovatis, confirmatis, & approbatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non, autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes ad effectum præsentium, illis alias in suo robore permanfuris, harum serie derogamus. Ne autem harum literarum ulla ignoratio obtendi possit ab iis præsertim Officialibus, de quibus agitur, volumus eas typis impressas in Secretaria Congregationis Concilii præfixas asservari. Datum Romæ apud Sanctum Petrum sub Annulo Piscatoris die xxvii. Novembris MDCCLXXV. Pontificatus Nostri Anno Primo.

J. Card. de Comitibus.

100

101

102

103

104

105

106

107

108

109

110

111

112

113

114

115

116

117

118

119

120

121

122

123

124

125

126

127

128

